



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ք. Երևան

24.02.2022թ.

Ո Ր Ո Շ ՈՒ Մ

ՀՀ գնումների հետ կապված բողոքներ քննող անձի թիվ ՍՑ-ՆԳ-2022/63

Հայաստանի Հանրապետության գնումների հետ կապված բողոքներ քննող անձը՝ ի դեմս Գրիգոր Ներսիսյանի, ուսումնասիրելով Հայաստանի Հանրապետության ֆինանսների նախարարության 15.02.2022թ. թիվ 26/26-1/2607-2022 գրությամբ «Ս.Ա.Ն. Բրայթ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգով ներկայացված հիմքերը, պարզեցի հետևյալը.

1. ՀՀ ֆինանսների նախարարության ներկայացրած փաստերը և պահանջը.

ՀՀ ֆինանսների նախարարությունը, ՀՀ պաշտպանության նախարարության 08.02.2022թ. թիվ ՊՆ/02/588-2022 գրության հիման վրա, 15.02.2022թ. թիվ 26/26-1/2607-2022 գրությամբ նախաձեռնել է «Ս.Ա.Ն. Բրայթ» ՍՊԸ-ին (հետայսու նաև՝ Ընկերություն) գնումների գործընթացին մասնակցելու իրավունք չունեցող մասնակիցների ցուցակում ներառելու ընթացակարգ:

2. «Ս.Ա.Ն. Բրայթ» ՍՊԸ-ի կողմից ներկայացված փաստարկները և դիրքորոշումը.

«Ս.Ա.Ն. Բրայթ» ՍՊԸ-ի կողմից ՀՀ գնումների հետ կապված բողոքներ քննող անձի սույն որոշումը կայացնելու օրվա դրությամբ գրավոր դիրքորոշում չի ներկայացվել:

«Ս.Ա.Ն. Բրայթ» ՍՊԸ-ն, պատշաճ ծանուցված լինելով ՍՑ-ՆԳ-2022/63 ընթացակարգի շրջանակներում 18.02.2022թ. ժամը 09:40-ին և 24.02.2022թ. ժամը 09:35-ին հրավիրված նիստերի վերաբերյալ, չի ապահովել իր ներկայացուցչի մասնակցությունը:

3. ՀՀ պաշտպանության նախարարության կողմից ներկայացված փաստարկները և դիրքորոշումը.

ՀՀ պաշտպանության նախարարությունը (հետայսու նաև՝ Պատվիրատու) ՀՀ ֆինանսների նախարարությանն ուղղված 08.02.2022թ. թիվ ՊՆ/02/588-2022 գրությամբ հայտնել է հետևյալը.

«Հիմք ընդունելով ՀՀ պաշտպանության նախարարության և ստորև ներկայացված կազմակերպության միջև կնքված գնման պայմանագրի 2.1.7.1 կետի բ) ենթակետի պահանջները՝ ՀՀ պաշտպանության նախարարությունը 04.02.2022թ. դրությամբ, միակողմանի մասնակի լուծել է՝ «Ս.Ա.Ն. Բրայթ» ՍՊԸ-ի միջև 19.05.2021թ. կնքված N ԳՀԱՊՁԲ-21-14/1-1 ծածկագրով գնման պայմանագիրը:

Միաժամանակ տեղեկացնում եմ, որ վերոնշյալ պայմանագրի լուծման վերաբերյալ գրությունը 04.02.2022թ. միաժամանակ ուղարկվել է մասնակցի պաշտոնական էլեկտրոնային փոստի հասցեով և նույն օրը հրապարկվել է www.procurment.am (www.gnumner.am) հասցեով ինտերնետային կայքում»:

Պատվիրատուն, պատշաճ ծանուցված լինելով ՍՑ-ՆԳ-2022/63 ընթացակարգի շրջանակներում 18.02.2022թ. ժամը 09:40-ին և 24.02.2022թ. ժամը 09:35-ին հրավիրված նիստերի վերաբերյալ, չի ապահովել իր ներկայացուցչի մասնակցությունը:

4. ՍՑ-ՆԳ-2022/63 ընթացակարգի քննության համար էական նշանակություն ունեցող փաստերը.

ՍՑ-ՆԳ-2022/63 ընթացակարգի քննության համար էական նշանակություն ունեն հետևյալ փաստերը.

1. ՀՀ պաշտպանության նախարարության և «Ս.Ա.Ն. Բրայթ» ՍՊԸ-ի միջև 19.05.2021թ. կնքվել է թիվ «ԳՀԱՊՁԲ-21-14/1-1» ծածկագրով պետության կարիքների համար ապրանքի մատակարարման պայմանագիր (հետայսու նաև՝ Պայմանագիր), որի 1-ին կետի 1.1 ենթակետի համաձայն՝ Վաճառողը պարտավորվել է սույն պայմանագրով (այսուհետ՝ պայմանագիր) սահմանված կարգով, ծավալներով, ժամկետներում և հասցեով Գնորդին մատակարարել պայմանագրի N 1 հավելվածով՝ Տեխնիկական բնութագիր-գնման-ժամանակացույցով, նախատեսված ապրանքը, իսկ Գնորդը պարտավորվում է ընդունել ապրանքը և վճարել դրա համար:

2. Պայմանագրին կից հավելված N 1-ի Գնման ժամանակացույցով 47 անվանում գրադարանի գրքերի ձեռքբերման համար մատակարարման ժամկետ է սահմանվել 2021թ. օգոստոս:

3. ՀՀ ՊՆ պաշտպանական ազգային հետազոտական համալսարանի պետը ՀՀ ՊՆ նյութատեխնիկական ապահովման գլխավոր վարչության պետի ՊԺԿ-ին 17.01.2022թ. ուղղված գրությամբ հայտնել է հետևյալը.

«Հայտնում եմ, Ձեզ, որ ՀՀ ՊՆ և «Ս.Ա.Ն. Բրայթ» ՍՊ ընկերության միջև 2021թ. մայիսի 19-ին կնքված N ԳՀԱՊՁԲ-21-14/1-1 ծածկագրով պայմանագրի շրջանակներում Վաճառողը մինչև 2021թ. օգոստոսի 31-ը հանձնման-ընդունման նպատակով Գնորդին չի հանձնել կից աղյուսակով ներկայացված երեք անվանում (թվով հինգ միավոր՝ ընդհանուր գումարով 97998 ՀՀ դրամ) գրադարանի գրքեր:

Համաձայն վերոնշյալ պայմանագրի 2.1.7.1 ենթակետի բ) պարբերության առաջարկում եմ միակողմանի մասնակի լուծել պայմանագիրը, քանի որ ապրանքի մատակարարման ժամկետները խախտվել են 30 օրից ավելի: Միաժամանակ հավաստիացնում եմ, որ 30.12.2021թ.-ից հետո այդ ապրանքների մատակարարման դեպքում դրանք մուտք չեն արվի ՀՀ ՊՆ ՊԱՀՀ-ի պահեստ»:

4. Կից ներկայացվել է ԳՀԱՊՁԲ-21-14/1-1 ծածկագրով պետության կարիքների համար ապրանքի մատակարարման պայմանագրի Հավելված N 1-ի գնման ժամանակացույցով հաստատված, սակայն չմատակարարված ապրանքների հետևյալ անվանացանկը.

Հ/Հ	Գնման առարկայի անվանումը	Կոդը	Չ/Մ	Քանակ	Միավորի գին /դրամ/	Ընդհանուր գին /դրամ/	Մատակարարման ժամկետը
1	գրադարանի գրքեր/ Պողոտովկա ի վեդենիե բոեվիխ	22111120/1/10/2	հատ	2	22333	44666	2021թ. օգոստոս

	դեյստվիյ վ լոկայնիիս վոյնախ ի վոռուժոննիիս կոնֆիլկտախ. Ուչեբնոտ պոսոբիտ						
6	գրադարանի գրքեր/Օտեչեստվեննիյ օպիտ գոսուդարստվեննիիս ի վոեննիիս օոգանով վ սոզդանիի պոտովոռակետոյ օբոռոնի. Իստորիա ի պոլիտիկա	22111120/6/10/2	հատ	1	8666	8666	2021թ. օգոստոս
14	գրադարանի գրքեր/Տակտիկա առտիլերիի. (Վոեննայա պոդգոտովկա). Ուչեբնոտ պոսոբիտ	22111120/14/10/2	հատ	2	22333	44666	2021թ. օգոստոս

5. ՀՀ ՊՆ ՆՏԱ ԳՎ ԹԱ վարչության պետը ՀՀ պաշտպանության նախարարի տեղակալին ուղղված 31.01.2022թ. գրությամբ հայտնել է հետևյալը.

«Հայտնում եմ, որ ՀՀ ՊՆ ՊԱՀ համալսարանի պետը 17.01.2022թ. է/փ ելք 42 գրությամբ առաջարկել է ՀՀ ՊՆ և «Ս.Ա.Ն. Բրայթ» ՍՊԸ-ի միջև կնքված N ԳՀԱՊՁԲ-21-14/1-1 ծածկագրով պայմանագիրը թվով 3 անվանում «գրադարանային գրքեր» ապրանքատեսակի մասով միակողմանի մասնակի լուծել՝ հիմք ընդունելով պայմանագրի 2.1.7.1 կետի «բ» ենթակետի պահանջը, այն է՝ խախտվել է ապրանքի մատակարարման ժամկետը:

Հայտնում եմ նաև, որ համաձայն պատասխանատու ստորաբաժանման կողմից ներկայացված հավաստման, հիշյալ պայմանագրի շրջանակներում ապրանքների ընդունման գործընթացը 30.12.2021թ. դրությամբ կասեցվել է մատակարարումների իրականացման դեպքում դրանք չեն մուտքագրվի պահեստ»:

6. Պատվիրատուն «Ս.Ա.Ն. Բրայթ» ՍՊԸ-ին ուղղված 04.02.2022թ. ծանուցմամբ հայտնել է հետևյալը.

«ՀՀ պաշտպանության նախարարության և «Ս.Ա.Ն. Բրայթ» ՍՊԸ-ի միջև 19.05.2021թ. կնքված թիվ ԳՀԱՊՁԲ-21-14/1-1 ծածկագրով գնման պայմանագրի (այսուհետ՝ Պայմանագիր) համաձայն՝ վերջինս պարտավոր էր ՀՀ պաշտպանության նախարարությանը 2021թ. 3-րդ եռամսյակի ընթացքում մատակարարել ներքոհիշյալ ցանկի ապրանքատեսակները նշված քանակներով՝

Հ/Հ	Գնման առարկայի անվանումը	Չ/Մ	Քանակ	Մատակարարման ժամկետը	Չմատակարարված քանակ
1	գրադարանի գրքեր/ Պոդգոտովկա ի վեդենիե բոեվիիս դեյստվիյ վ լոկայնիիս վոյնախ ի վոռուժոննիիս կոնֆիլկտախ. Ուչեբնոտ պոսոբիտ	հատ	3	2021թ. օգոստոս	2
6	գրադարանի գրքեր/Օտեչեստվեննիյ օպիտ գոսուդարստվեննիիս ի վոեննիիս օոգանով վ սոզդանիի պոտովոռակետոյ օբոռոնի. Իստորիա ի պոլիտիկա	հատ	3	2021թ. օգոստոս	1
14	գրադարանի գրքեր/Տակտիկա առտիլերիի. (Վոեննայա պոդգոտովկա). Ուչեբնոտ պոսոբիտ	հատ	3	2021թ. օգոստոս	2

Հաշվի առնելով վերը նշված ցանկով նախատեսված քանակների մասով ապրանքների չմատակարարման փաստը և հիմք ընդունելով Պայմանագրի 2.1.7.1 կետի «բ» ենթակետը և 6.2 կետը՝ ՀՀ պաշտպանության նախարարությունը 04.02.2022թ.-ին միակողմանի լուծում է Պայմանագիրը: (...):

7. Պատվիրատուի կողմից www.procurement.am հասցեով գործող ինտերնետային կայքում (հետայսու նաև՝ Տեղեկագիր) 04.02.2022թ. հրապարակվել է Պայմանագիրը միակողմանի մասնակի լուծելու մասին ծանուցումը:

5. ՀՀ գնումների հետ կապված բողոքներ քննող անձի հիմնավորումները և եզրահանգումը.

ՀՀ գնումների հետ կապված բողոքներ քննող անձ Գրիգոր Ներսիսյանս, ուսումնասիրելով ՀՀ ֆինանսների նախարարության 15.02.2022թ. թիվ 26/26-1/2607-2022 գրությունը, ՀՀ պաշտպանության նախարարության 08.02.2022թ. թիվ ՊՆ/02/588-2022 գրությունը՝ կից փաստաթղթերով, հայտնում եմ հետևյալը.

ՀՀ քաղաքացիական օրենսգրքի (հետայսու նաև՝ Օրենսգիրք) 345-րդ հոդվածի 1-ին մասի համաձայն՝ պարտավորության ուժով մի անձը (պարտապանը) պարտավոր է մեկ այլ անձի (պարտատիրոջ) օգտին կատարել որոշակի գործողություն. այն է՝ վճարել դրամ, հանձնել գույք, կատարել աշխատանք, մատուցել ծառայություն և այլն, կամ ձեռնպահ մնալ որոշակի գործողություն կատարելուց, իսկ պարտատերն իրավունք ունի պարտապանից պահանջել կատարելու իր պարտականությունը:

Օրենսգրքի 408-րդ հոդվածի համաձայն՝ պարտավորության խախտում է համարվում այն չկատարելը կամ անպատշաճ (կետանցով, ապրանքների, աշխատանքների և ծառայությունների թերություններով կամ պարտավորության բովանդակությամբ որոշվող այլ պայմանների խախտմամբ) կատարելը:

«Գնումների մասին» ՀՀ օրենքի (հետայսու նաև՝ Օրենք) 6-րդ հոդվածի 1-ին մասի 6-րդ կետի համաձայն՝ բացառությամբ նույն օրենքի 23-րդ հոդվածի 1-ին մասի 1-ին, 3-րդ, 4-րդ և 5-րդ կետերով նախատեսված ընթացակարգով գնում կատարելու դեպքերի՝ գնումների ընթացակարգերին մասնակցելու իրավունք չունեն այն անձինք, որոնք հայտը ներկայացնելու օրվա դրությամբ ներառված են գնումների գործընթացին մասնակցելու իրավունք չունեցող մասնակիցների ցուցակում: Մասնակիցն ընդգրկվում է նշված ցուցակում, եթե՝

ա. խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը,

բ. որպես ընտրված մասնակից հրաժարվել է պայմանագիր կնքելուց,

գ. հայտերը բացելուց հետո հրաժարվել է գնման գործընթացին հետագա մասնակցությունից:

Օրենքի 6-րդ հոդվածի 2-րդ մասը սահմանում է, որ գնումների գործընթացին մասնակցելու իրավունքից զրկված մասնակցի վերաբերյալ ունեցած տեղեկությունների հիման վրա լիազորված մարմինը ընթացակարգ է նախաձեռնում գնումների հետ կապված բողոքներ քննող մարմնում՝ առանց վճարի: Տվյալ մասնակցի կարծիքը լսելուց հետո Գնումների հետ կապված բողոքներ քննող անձը նույն օրենքի 50-րդ հոդվածի 6-րդ մասով սահմանված ժամկետում որոշում է կայացնում մասնակցին սույն հոդվածով նախատեսված ցուցակում ընդգրկելու վերաբերյալ: Անձը նշված ցուցակում ընդգրկվում է երկու տարի ժամկետով:

Այսպես, ՀՀ պաշտպանության նախարարության և «Ս.Ա.Ն. Բրայթ» ՍՊԸ-ի միջև 19.05.2021թ. կնքվել է թիվ «ԳՀԱՊՁԲ-21-14/1-1» ծածկագրով պետության կարիքների համար ապրանքի մատակարարման պայմանագիր, որի 1-ին կետի 1.1 ենթակետի համաձայն՝ Վաճառողը պարտավորվել է սույն պայմանագրով (այսուհետ՝ պայմանագիր) սահմանված կարգով, ծավալներով, ժամկետներում և հասցեով Գնորդին մատակարարել պայմանագրի N 1 հավելվածով՝ Տեխնիկական բնութագիր-գնման-ժամանակացույցով, նախատեսված ապրանքը, իսկ Գնորդը պարտավորվում է ընդունել ապրանքը և վճարել դրա համար:

Պայմանագրին կից հավելված N 1-ի Գնման ժամանակացույցով 47 անվանում գրադարանի գրքերի ձեռքբերման համար մատակարարման ժամկետ է սահմանվել 2021թ. օգոստոս:

ՀՀ ՊՆ պաշտպանական ազգային հետազոտական համալսարանի պետը ՀՀ ՊՆ նյութատեխնիկական ապահովման գլխավոր վարչության պետի ՊԺԿ-ին 17.01.2022թ. ուղղված գրությամբ հայտնել է հետևյալը.

«Հայտնում եմ, Ձեզ, որ ՀՀ ՊՆ և «Ս.Ա.Ն. Բրայթ» ՍՊ ընկերության միջև 2021թ. մայիսի 19-ին կնքված N ԳՀԱՊՁԲ-21-14/1-1 ծածկագրով պայմանագրի շրջանակներում Վաճառողը մինչև 2021թ. օգոստոսի 31-ը հանձնման-ընդունման նպատակով Գնորդին չի

հանձնել կից աղյուսակով ներկայացված երեք անվանում (թվով հինգ միավոր՝ ընդհանուր գումարով 97998 ՀՀ դրամ) գրադարանի գրքեր:

Համաձայն վերոնշյալ պայմանագրի 2.1.7.1 ենթակետի բ) պարբերության առաջարկում եմ միակողմանի մասնակի լուծել պայմանագիրը, քանի որ ապրանքի մատակարարման ժամկետները խախտվել են 30 օրից ավելի: Միաժամանակ հավաստիացնում եմ, որ 30.12.2021թ.-ից հետո այդ ապրանքների մատակարարման դեպքում դրանք մուտք չեն արվի ՀՀ ՊՆ ՊԱՀՀ-ի պահեստ»:

Կից ներկայացվել է ԳՀԱՊՁԲ-21-14/1-1 ծածկագրով պետության կարիքների համար ապրանքի մատակարարման պայմանագրի Հավելված N 1-ի գնման ժամանակացույցով հաստատված, սակայն չմատակարարված ապրանքների հետևյալ անվանացանկը.

Հ/Հ	Գնման առարկայի անվանումը	Կոդը	Չ/Մ	Քանակ	Միավորի գին /դրամ/	Ընդհանուր գին /դրամ/	Մատակարարման ժամկետը
1	գրադարանի գրքեր/Պոդգոտովկա ի վեդենիե բոեվիխ դեյստվիյ վ լոկայնիխ վոյնախ ի վոռուժոննիխ կոնֆլիկտախ. Ուչեբնոե պոսոբիե	2211120/1/10/2	հատ	2	22333	44666	2021թ. օգոստոս
6	գրադարանի գրքեր/Օտեչեստվեննիյ օպիտ գոսուդարստվեննիխ ի վոեննիխ օոզանով վ սոզդանիի պոտոիվոռակետոյ օբոռոնի. Իստորիա ի պոլիտիկա	2211120/6/10/2	հատ	1	8666	8666	2021թ. օգոստոս
14	գրադարանի գրքեր/Տակտիկա առտիլերիի. (Վոեննայա պոդգոտովկա). Ուչեբնոե պոսոբիե	2211120/14/10/2	հատ	2	22333	44666	2021թ. օգոստոս

ՀՀ ՊՆ ՆՏԱ ԳՎ ԹԱ վարչության պետը ՀՀ պաշտպանության նախարարի տեղակալին ուղղված 31.01.2022թ. գրությամբ հայտնել է հետևյալը.

«Հայտնում եմ, որ ՀՀ ՊՆ ՊԱՀ համալսարանի պետը 17.01.2022թ. է/փ ելք 42 գրությամբ առաջարկել է ՀՀ ՊՆ և «Ս.Ա.Ն. Բրայթ» ՍՊԸ-ի միջև կնքված N ԳՀԱՊՁԲ-21-14/1-1 ծածկագրով պայմանագիրը թվով 3 անվանում «գրադարանային գրքեր» ապրանքատեսակի մասով միակողմանի մասնակի լուծել՝ հիմք ընդունելով պայմանագրի 2.1.7.1 կետի «բ» ենթակետի պահանջը, այն է՝ խախտվել է ապրանքի մատակարարման ժամկետը:

Հայտնում եմ նաև, որ համաձայն պատասխանատու ստորաբաժանման կողմից ներկայացված հավաստման, հիշյալ պայմանագրի շրջանակներում ապրանքների ընդունման գործընթացը 30.12.2021թ. դրությամբ կասեցվել է մատակարարումների իրականացման դեպքում դրանք չեն մուտքագրվի պահեստ»:

Պատվիրատուն «Ս.Ա.Ն. Բրայթ» ՍՊԸ-ին ուղղված 04.02.2022թ. ծանուցմամբ հայտնել է հետևյալը.

«ՀՀ պաշտպանության նախարարության և «Ս.Ա.Ն. Բրայթ» ՍՊԸ-ի միջև 19.05.2021թ. կնքված թիվ ԳՀԱՊՁԲ-21-14/1-1 ծածկագրով գնման պայմանագրի (այսուհետ՝ Պայմանագիր) համաձայն՝ վերջինս պարտավոր էր ՀՀ պաշտպանության նախարարությանը 2021թ. 3-րդ եռամսյակի ընթացքում մատակարարել ներքոհիշյալ ցանկի ապրանքատեսակները նշված քանակներով՝

Հ/Հ	Գնման առարկայի անվանումը	Չ/Մ	Քանակ	Մատակարարման ժամկետը	Չմատակարարված քանակ
1	գրադարանի գրքեր/ Պողոտովկա ի վեդենիե բոեվիխ դեյստվիյ վ լոկայնիխ վոյնախ ի վոռոժոննիխ կոնֆլիկտախ. Ուչեբնոե պոսոբիե	հատ	3	2021թ. օգոստոս	2
6	գրադարանի գրքեր/Օտեչեստվեննիյ օպիտ գոստոլարստվեննիխ ի վոեննիխ օոգանով վ սոզդանիի պոռտիվոռակետնոյ օբոռոնի. Բստորիա ի պոլիտիկա	հատ	3	2021թ. օգոստոս	1
14	գրադարանի գրքեր/Տակտիկա առտիլերիի. (Վոեննայա պոդգոտովկա). Ուչեբնոե պոսոբիե	հատ	3	2021թ. օգոստոս	2

Հաշվի առնելով վերը նշված ցանկով նախատեսված քանակների մասով ապրանքների չմատակարարման փաստը և հիմք ընդունելով Պայմանագրի 2.1.7.1 կետի «բ» ենթակետը և 6.2 կետը՝ ՀՀ պաշտպանության նախարարությունը 04.02.2022թ.-ին միակողմանի լուծում է Պայմանագիրը: (...):»:

Պատվիրատուի կողմից Տեղեկագրում 04.02.2022թ. հրապարակվել է Պայմանագիրը միակողմանի մասնակի լուծելու մասին ծանուցումը:

Այսպիսով՝ «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «ա» ենթակետը սահմանում է, որ **մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե խախտել է պայմանագրով նախատեսված պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը:**

Պայմանագրի 2.1.7 կետի համաձայն՝ Պատվիրատուն իրավունք ունի միակողմանի լուծել պայմանագիրը, եթե Վաճառողն էականորեն խախտել է պայմանագիրը:

Պայմանագրի 2.1.7.1 ենթակետի համաձայն՝ Վաճառողի կողմից կողմից պայմանագիրը խախտելն էական է համարվում, եթե՝

- ա) մատակարարվել է անպատշաճ որակի ապրանք, որը չի կարող փոխարինվել Գնորդի համար ընդունելի ժամկետում,
- բ) ապրանքի մատակարարման ժամկետները խախտվել են **30** օրից ավելի:

Այսպիսով՝ վերը շարադրված փաստական հանգամանքների ուժով՝ արձանագրում եմ, որ «Ս.Ա.Ն. Բրայթ» ՍՊԸ-ն խախտել է իր և ՀՀ պաշտպանության նախարարության միջև 19.05.2021թ. կնքված Պայմանագրով ստանձնած պարտավորությունները, ինչի արդյունքում Ընկերությունը թույլ է տվել Պայմանագրի էական խախտում, որն էլ իր հերթին հանգեցրել է Պատվիրատուի կողմից Պայմանագրի միակողմանի լուծման:

Ելնելով վերոգրյալից՝ գտնում եմ, որ Ընկերությունը թույլ է տվել «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «ա» ենթակետով նախատեսված խախտում, ուստի առկա են «Ս.Ա.Ն. Բրայթ» ՍՊԸ-ին գնումների գործընթացին մասնակցելու իրավունք չունեցող մասնակիցերի ցուցակում ներառելու հիմքերը:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասի 2-րդ կետով՝

Ո Ր Ո Շ Ե Ց Ի

Հայաստանի Հանրապետության ֆինանսների նախարարության 15.02.2022թ. թիվ 26/26-1/2607-2022 գրությամբ «Ս.Ա.Ն. Բրայթ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգը բավարարել և «Ս.Ա.Ն. Բրայթ» ՍՊԸ-ին ընդգրկել գնումների գործընթացին մասնակցելու իրավունք չունեցող մասնակիցների ցուցակում՝ ՀՀ գնումների հետ կապված բողոքներ քննող անձի որոշումն ուժի մեջ մտնելու օրվանից հաշված երկու տարի ժամկետով:

ՀՀ գնումների հետ կապված բողոքներ քննող անձի որոշումն իրավապարտադիր է և ուժի մեջ է մտնում տեղեկագրում հրապարակվելու հաջորդ օրը:

ՀՀ գնումների հետ կապված բողոքներ քննող անձի որոշումը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

**Գնումների հետ կապված
բողոքներ քննող անձ՝**



ԳՐԻԳՈՐ ՆԵՐՍԻՍՅԱՆ